

**Ubutumwa Bikira Mariya yahaye Valentine NYIRAMUKIZA
tariki ya 10/01/2020, saa cyenda na mirongo itatu za mu
gitondo (3h30).**

Bikira Mariya:

Nyiramukiza mwana wanjye nkunda kanguka nkubwire ikinzanye muri Kano kanya kandi ntunsobanuze ngo unce mu ijambo.

Valentine:

Karame Mama .

Ndi hano ngo uncoreshe icyo ushaka , untume aho ushaka no ku bo ushaka kuko ndi gikoresho cyawe. Kandi simbaca mu ijambo.

Bikira Mariya :

Senga cyane mwana wanjye kuko birakomeye cyane. Kuko hagiye guhinduka ibintu byinshi cyane muri ino minsi iri mbere igiye kuza.

Shishikariza abo musengana bose n'abandi bari mu mpande zose z'isi uko ubishoboye kose kuko bizaba bikomeye cyane.

AbaKristu , abemera n'abatemera bose bazahungabana maze haze icyorezo kizica abantu benshi kubera gutungurwa.

Abateguye iki cyorezo cyo kumara abaciye bugufi baratunguwe gihereye iwabo batiteguye kuko imigambi y'abantu si yo y'Imana mwana wanjye , kandi kirakomeye gifite ubukana bukaze.

Umwanzi shitani azakihisha inyuma maze Kiliziya n'amasengero bifungwe ahantu hose n'aho kitaragera, maze haze akamashu gafunge iminwa y'abantu kw'isi , kugira ngo ipfukirane ukuri kubizakurikiraho byose.

Kiriziya n'andi masengero bizafungwa ku buryo abemera hui bibarenga bagaturika bagasakuza kubera ukwemera kwabo.

Ibi nje kubikubwira kugirango ushishikarize abandi isengesho no kugira ngo uzashake uko muzajya musengera hamwe ntimwigunge mu nzu ngo abantu bazagere aho biheba bakiyanga nk'abapagani.

Kurushaho gusengera Kiliziya ishingiyeye kuri Roma kugeza hasi kuko hazagwa benshi kubera kudakora umurimo wabo bakiga kubeshya nk'abandi bose badasenga.

Ikindi gikomeye nje kukubwira ni uko mu gihugu uvukamo cy'u Rwanda hamenekaga amaraso ntibiboneke, ntibivugwe, none hariyeho kumeneka ay'umuziro n'igihango cya benshi .

Ubushize ku itariki ya 3/1/2020 nje nakubwiye umwana, umuvandimwe mwabanye waguhamagaye agusaba imbabazi akubwira ngo umusabire kandi ngo ntuzajishure umujishi. Nakwibutsaga ko utavuze ijamba « ndakubabariye ».

Nagirango nkubwire ko iryo jambo rikomeye cyane icyo urivuze urivanye ku mutima.

Ntabwo nshidikanya ko

wamubabariye ariko kubera ko atumvise ijamba « ndakubabariye », arababaye cyane ko utamubabariye.

Naguhamagara uzamureme umutima umubwire uti :

« ndakubabariye muvandimwe », azaruhuka.

Valentine :

Urakoze cyane Mama. Kuko munyigishije kuvuga ijamba « ndakubabariye ».

Njyewe numvaga bihagije kuvuga ngo nta kibazo.

Uzajya ansaba imbabazi nje mvuga nti « ndakubabariye » mbikuye ku mutima

Bikira Mariya :

Nje kubikubwira no ku kugusobanurira neza ibyo nari nakubwiye ko nzabikubwira ubutaha ngarutse.

Ngibi rero:

Mu minsi iri mbere agiye gucyura imihigo ye bamuvukije ubuto bwe.

Ikibazo nyamukuru rero ni iki :

Igihe amaraso ye azameneka, mu gihugu cye cy'u Rwanda hazabamo amarira menshi n'imiborogo ku bantu bose n'ahantu hose mu bihugu bitandukanye.

Igihugu kizacikamo ibice amarira n'imiborogo , abantu bose basubiranemo bitane ba mwana, basakuze bacikemo ibice kandi hahinduke ibintu byinshi mu gihugu.

Abategetsu bakuru bazahanwa batunguwe.

Abandi bazabura, bazihutira kuva ku mirimo yabo kuko bazakorwaho n'ayo maraso y'icyo gihango cy'imihigo azakora ku bantu benshi cyane cyane abategetsu bakuru ba Leta bazaburirwa irengero, abandi bakava mu gihugu bitunguranye, abandi bahezwe mu mazu yabo badasohoka kugirango ibyavuzwe byuzure ko hazameneka amaraso.

Hazaba ikindi kintu gikomeye cy'urujijo cya Mukantwari uzavugana ubutwari ukuri kuri ku mutima we maze igihugu n'abagituye n'abari hanze bagakangarana hakavugwa byinshi, ibyihishe bigasohoka.

Maze nahohoterwa bibe bibi cyane, abantu baterane amagambo, abakomeretse batonekare mu bisebe batewe n'amateka, abari imahanga n'abanyamahanga bahagurukire rimwe, ukuri n'ikinyoma bibe urujijo, Kiliziya itinye kuvuga ukuri iceceke igendere mu kinyoma kubera ubwoba bimike umwanzi wateye arwanya ukuri no kumena amaraso y'abatuwemo n'Imana : Abato n'abakuru b'inzirakarengane.

Abategetsu bakuru ba Kiriziya n'ay'abandi masengero nibahaguruke batsimbure umwanzi wicaye ku ntebe y'ikinyoma arwanya abasenga bose.

Kiliziya Gatorika yanze kwemeza ko Umwana wanjye Yezu yaje i Kibeho ngo abakize iyo ngoyi y'umwanzi kandi biturutse muri Kiliziya Gatolika inangiye imitima igatuma itegera

abakristu bose ngo ibahamagarire gusenga by'ukuri nta buryarya , ngo bubake urukiramende rushingiye ku runana rumwe rw'urukundo.

Nimuhinduke muhindure imitima, mworohereze imitima y'abantu bababaye kubera kubura ababarema umutima kandi muhari.

Nimbabaza icyo mwakoze muri cyo gihe muzansubiza iki?

Nje kubaburira bihayimana , na mwe banyamadini mutazavuga ko mutabwiwe!

Muzabazwa intama mwaragijwe, mwirengagije mubizi kandi mubibona mugaceceka:

Mwana wanjye ni ibyo narinje kukubwira , none ndagiye mfite akazi kenshi .

Ngaho vuga aya masengesho nguhe umugisha wanjye Wa Kibyeyi:

Dawe uri mu ijuru.

Izina Ryawe Ryubawe,

Ingoma yawe yogere hose

Icyo ushaka gikorwe muni, nkuko gikorwa mwi juru

Infunguro rditunga uriduhe none

Utubabarire ibicumuro byacu , nkuko natwe tubabarira abaducumuyeho

Ntudutererana mu bitwoshya, ahubwo udukize icyaha.

Amina.

Ndakuramutsa Mariya

Wuzuye inema, Uhorana n'Imana

Wahebuje abyeyi bose umugisha
Na Yezu Umwana wawe, arasingizwa
Mariya Mutagatifu, Mubyeyi w'Imana
Urage udusabira, twabanyabyaha
Kuri ubu, ni igihe tuzapfira.
Amina.

Isengesho ryo gusabira
abatwanga:

Mana yurukundo n'amahoro
Abatwanga bose
Ubakize ibyaha byabo byose;
Ariko natwe, Uturinde imitego yabo
Ukomeje kubwa Yezu Kristu
Umwami wacu" ..

Prière pour nos ennemis:

Seigneur, Dieu d' Amour et de Paix Pardonnez les péchés de ceux qui nous haïssent et,
Défendez-nous toujours contre leurs embûches. Par Jésus le Christ notre Seigneur, Amen.

Isengesho ryo gusabira abarwayi.

Mana ihoraho ugahanga byose,ni wowe ukiza abakwemera.

Turatakambira abawe barwaye, tugirango ubagirire impuhwe ,maze nibamara gukira bazaze
ku gushimira iteka muri kiriziya yawe

Kubwa Yezu kristu Umwamia
wacu.

Amina

Prière pour les malades:

Dieu éternel et créateur de toute chose, nous T'implorons pour les Tiens qui sont malades afin que tu les prennes en pitié et pour qu'une fois guéris, ils viennent Te remercier en ton Église , par Jésus le Christ, notre Seigneur. Amen.

“Hubahwe Imana Data na Mwana, na Roho Mutagatifu

Nk'uko bisanzwe iteka, Wubahwe n'ubu n'iteka ryose. Amina.

Bikira Mariya :

Nguhaye umugisha wa Kibyeyi mwana wanjye.

Kw'izina ry'Imana Data na Mwana na Roho Mutagatifu.

Amina.

Wirirwe mwana wanjye nkunda.

Valentine:

Urakoze cyane Mama.

Wirirwe.